

Biografía di Seferino Martin Quandus (Marqua)

Seferino Martin Quandus a nace na Aruba dia 26 di augustus 1951. Na 1980 su nomber artistico a bira Marqua. Esaki ta un combinacion di e di dos nomber *Martin* y su fam *Quandus*. Keto bay e ta biba na cas di su mayornan cu ta Boegoeroei.# 31 na Noord. Martin ta yiu di Alfonso y Nicolasa Quandus. Su mayornan a keda bendiciona cu 11 yiu. Den Martin rumannan no tin otro mas musico profesional cu ta E. Den su famia cu ta hopi grandi, si bo por haya musico profesional di jazz, manera Ivan Quandus.



Martin Quandus cu su gitara na su Residencia

Trayectoria di musica como artista y cantante

Martin tabata coy cualkier hemchi cu e tin, pa toca riba dje of ta bati cuchara riba weya

Martin su trayectoria di musica como artista cantante a cuminsa, segun su mama a conta Martin, for di tempo cu e tabata den su barica, pasobra e kiermen cu e tabata un mucha masha inkieto den su barica. Despues, ora Martin a cuminsa crece un tiki mas, e tabata coy cualkier hemchi cu e tin, pa e toca riba dje of e ta bati cu cuchara riba weya. Na aña 1969, su ruman Aluisio, di feliz memoria, a trece un bari 'First Pan di steel band' pa Martin, cu nan a regal'e, pero e no por saca su cuenta cune. E a wak'e y pa Martin, e tabata un instrumento

totalmente desconoci. Paso Martin nunca e tabata tin e oportunidad di mira un *First Pan* di serca. E a sinta studia e drum. E prome cos cu e a cuminsa busca ta do, re, mi, fa, sol. Si ora e a bin haya do, re, mi, fa, sol, e a cuminsa train riba dje. Ora Martin a mira cu esey ta facil e a cuminsa sigui den un siman, un siman y mei practicamente e tabata domina e *First Pan*, paso ta tur dia Martin ta riba dje. Tin ora su mayornan ta bis'e laga e cos ey para no, bo a compronde pero ya. Asina e a bin ta cuminsa anto despues nan tabata tin varion amigo rond akinan y nan ta busca un bari djaki, un bari

Dje, y otro bari aki, Martin kier sa hasta, nan a bula cura di hende coy bari tambe paso e ta keda sorprendi ora e ta ha ha ha aserca cu bari. Anto e ora entre un sinco seis bari pida bari-nan, e ora nan a forma un steelband chikito Martin ta yame un steelband chikito. Anto nan prome toca cu e steelband chikito tabata bou di 'overdekte speelplaats di Scol Santa Anna' na Noord. Pa un actividad di clubnan di antes popular Tivoli y Caribe. Martin su incicio tabata cu steelband sigur sigur.

Desaroyo Musical

Na'76 si Martin no tin hera e a stop di toca pa e dedica totalmente na su orkesta. Martin no por a sigui toca mas e a toca tur caminda, tur diadomingo den Basiruti mayoria den tur e hotelnan, cas di famia fiesta di famia anto, e tabata tin un set di drum, cu nan a haya despues di esun chikito cu e muchanan a bin cu un drum djaki un drum djei. E a haya un set cu Buchi Boukhoudt no tabata uza mas anto e la pasa nan e anto riba dje Martin a bin train su muchanan pero door cu e tabata kier mesun set di su mes e ora su mes a bisa e muchanan ban busca bari. Nan a busca bari di Shell di gasoline anto e ora nan a yud'e e tras nan a sink nan y kima nan. Despues ponch nan, y su mes a templa

nan. Martin a traha su propio set di steelband. Esey a carga e number di 'Eleven Friends' y cune e a coy campeon tambe, durante un contest di steelband na Aruba. Despues e a bolbe coy campeon, ora Martin a cambia e number den 'United Friends' cu e mesun barinan. Mas despues nan a traha un otro set di steelband anto e a pone e grupo yama 'Boegoeroei Stars.' Pero kiko ta pasa ora nan a caba di toca, tabata tin hopi ta bisa Martin si bo no ta toca mas regalami e drumnan. Martin a laga e muchanan bay cu e drumset completo. Despues nan a toca pero nan no a sobre sali mas.

Martin a traha su propio set di steelband Esey a carga e number di Eleven Friends

Guitara pa tres Cubano



Un amigo di tempo di scol cu yama Ruben Kelly, di feliz memoria, tabata bin cerca Martin den oranan di atardi cu su guitarra, anto nan ta sinta pariba di cas na fresco. E ta toca y Martin ta canta. Martin su deseo di mas grandi tabata pa siña toca tres, pues loke nan ta yama "e guitarra tres Cubano." Martin a cambia su "guitara seis" pa "guitara tres." Bo ta haya hopi hende ta uza e guitarra tres pa pica, pero Martin tabata uz'e den e mesun forma ora bo ta toca piano. Martin a haci e tres mas difcil pe paso normalmente bo ta haya manera, Martin conoce hopi hende ta toca tres pero bo ta hayanan ta toca ti ti ti ti ti, nan ta gewoon pasa chord. Martin tabata hacie druk pe, paso pa e tabata su piano paso e tabata tin su banda, e no tabata tin pianista, Martin tabata e pianista cu su tres di su banda anto e mester por laga e tres zona manera un piano. Tin hopi biaha nan ta set e cuerdenan como amplifier, anto hopi comentario e ta haya di amigonan musico hey, e cos ey ta zona mescos cu piano. Un guitarra seis ta hopi mas difcil cu un *first pan*, paso bo tin cu bay custuma bo dedenan, figura dibo dedenan, tin caminda cu bo no ta yega, bo no tin cu rek. Martin a inicia cu e grupo "Unidad Latina" na 1974, anto na 1976 e a cambia e number di "Unidad Latina" pa "Revolucion Latina". Cu e banda aki Martin a sigui dilanti ta graba su prome disco cu tabata 'E Cocolishi.

Prome grabacion

Martin su prome disco di largo duracion (long play) cu e a graba cu e banda Revolucion Latina, yama 'Tene bo mami'. Nan a grab'e na Medellin, Colombia, na aña 1978, anto despues nan a bula bay bek na 1979, pa graba 'Dushi Aruba', esaki tabata volume dos. Na 1980 Martin a gana na Aruba e premio di oro como artista mas destaca.



Trofeonan acomula durante carea Artistico

Desaroyo riba areglo musical

Ora Martin a cumpra e bukinan, anto na cas poco poco e a cuminsa siña tur e instrumentnan trompet, trombone, saxofon wanta scale, anto e ora ey e a cuminsa poco poco cosnan facil. Despues e ora e a cuminsa den fase, Martin tabata scirbi na ultimo, pa orkesa philharmonico di Aruba. Akinan pata pata di instrument, tur hende ta core pe, ora puntra Haime v/der Biezen meneer di scol na noord aki e ta e saxofonista cu ta toca den e grupo, e di Martin e ta bay

serca tur e areglista grandinan, tur ta core, tur ta bisami nan no ta hacie. Paso Martin ta bisa e ta hopi trabou bo mes por imaginabo e scor cu nan tin cu traha na cuminsamento prome cu bo bay scirbi e partituranan, bo tin cu traha cu bo score anto riba bo scor, bo ta haya tanto trompet, trombone, saxofon, fluit, clarinet e kiermeen e ta kita hopi tempo. Martin a scirbi varios cantica pa nan asina ey, ki ora cu e mir'e ta bisa abo te unico cu a hacie.

Como cantante compositor

Como cantante compositor Martin a participa basta tempo pasa den esun di Voz di Oro . E a participa den Tumba Festival, Tumberito, den Voz y Landia di scol pa e muchanan, Festival di Himno y Bandera, y Festival di Dande.



Martin Quandus banda di su logronan musical artistico

E parti internacional


Na Aruba Martin a haci diferente composicion y areglo, pone nan netjes den envelop, controla su cosnan y e a bula bay Colombia . Ora Martin a yega Medellin, na e “Casa disquera Disco Victoria”, un administrador a lanta para na e porta, yam’e y asina nos a conoce otro. E a bis’e kico ta su plan. El a propone pa Martin su grabacion lo ta di shet’or y mey padilanti te diesun or. Martin tabatin mester di musico pa toca trompet, piano y baho. E lo percura pa nan t’ey na e ora stipula pa su mañan mainta. Nan a drenta den studio di grabacion y

nan a cuminsa graba. Tur musico a yega, lesa y toca y esey ta locual a impresiona Martin masha hopi mes. E doño di studio a ofrece Martin un contract di 3 año. Anto e ora ey nos a combersa y el a bin cu dos proposicion: “Mi por cumpra bo produccion y mi ta ofrece bo diescinco te bintimil dollar of bo ta laga e produccion anto mi ta bay ta paga bo pa semper ki ora cu tin regalía (royalties di acuerdo cu bo derecho di autor como compositor) .” Sinembargo Martin a prefera haya un suma di placa e ora ey mes pa su voz, anto e regalía e ta

laga monta y poco poco lo e cobra esaki. Fuera di esey, e a haya e oferta cu e no mester a paga e studio di grabacion, tampoco e 500 disco cu a sali basta cen e tempo ey. Di cada produccion musical cu Martin a graba lo e haya un cantidad gratis di 100 disco acerca. Despues e a sigui cu e ‘Casa disquera Fuentes’. A yega e momento pa renoba e contract, pero nan tabata kier pa e contract sigui bay na e mesun condicionnan bieu y despues e a bula afo na 1986.

Otro compania di disco

Aki bo por mira e longplay cu Martin graba cu ‘Colmusica’. Esaki ta un otro compania di disco. Nan a graba dies cantica riba dje cu tambe tabata un exito. Despues e a graba un cantidad grandi di ‘disco cuarenticinco’ tambe, anto e ora ey nan a dal para. Esaki ta un cancion cu Martin a titula “Gran jefe Motuba Marqua Sessua,” cu no a subi mercado.



Martin Quandus despues di a socialisa na su residencia.